

UNIVERZITET U SARAJEVU  
ELEKTROTEHNIČKI FAKULTET U SARAJEVU

Broj: 01-01-3578/08

Dana, 12.12.2008.

Na osnovu člana 193. Pravila Elektrotehničkog fakulteta u Sarajevu – prečišćeni tekst (broj: 01-01-1829/06 od 11.09.2006. godine i 01-01-446/08 od 27.02.2008. godine), nakon razmatranja prijedloga Prodekana za nastavu Elektrotehničkog fakulteta u Sarajevu (broj: 01-01-2899/08 od 14.11.2008. godine), Upravni odbor Elektrotehničkog fakulteta u Sarajevu na svojoj XXV redovnoj sjednici održanoj 12.12.2008. godine, donio je

ODLUKU

Stavlja se van snage tačka 5. člana 2. Odluke o visini participacije cijena usluga i troškova studija za nastavni proces Elektrotehničkog fakulteta u Sarajevu (broj: 01-01-1101/08 od 09.05.2008. godine).

OBRAZLOŽENJE


Prodekan za nastavu Elektrotehničkog fakulteta u Sarajevu, nakon što je konstatovao da se u posljednje vrijeme pojavljuju pojedinačni zahtjevi studenata za oslobađanje plaćanja upisnine na redovni studij koji se finansira iz budžeta Kantona Sarajevo, obratio se Upravnom odboru Fakulteta (dopis broj: 01-01-2899/08 od 14.11.2008. godine) da da pojašnjenje tačke 5 člana 2. Odluke o visini participacije cijena usluga i troškova studija za nastavni proces Elektrotehničkog fakulteta u Sarajevu (broj: 01-01-1101/08 od 09.05.2008. godine). Smatra da se primjena tačke 5. člana 2. predmetne odluku treba staviti van snage, jer nije usaglašena sa Odlukom Vlade Kantona Sarajevo o visini participacije cijena i usluga visokoškolskih ustanova Univerziteta u Sarajevu. Odlukom Vlade Kantona Sarajevo broj: 02-05-27526-20/05 od 18.10.2005. godine, nije predviđeno da su borci i njihova djeca oslobođeni plaćanja upisnine na redovni studij koji se finansira iz budžeta Kantona Sarajevo, ako ostvare pravo upisa pod jednakim uslovima kao i redovni studenti, za studij koji se finansira iz budžeta Kantona Sarajevo. Zakonom o dopunskim pravima boraca – branitelja Bosne i Hercegovine - Prečišćeni tekst („Službene novine Kantona Sarajevo broj: 9/07) utvrđeno je da obrazovne ustanove svojim pravilima ili drugim aktima utvrđuju način i uvjete korištenja prava na oslobađanje od plaćanja upisnine (član 24.). Takođe istakao je da navedenim Zakonom nije predviđeno iz kojih sredstava bi se ostvarilo oslobađanje plaćanja upisnine.

Nakon razmatranja prijedloga Prodekana za nastavu, Upravni odbor Fakulteta uvažio je prijedlog uz dato obrazloženje.

Na osnovu naprijed navedenog, a imajući u vidu zaključek Upravnog odbora Fakulteta da se od Vlade Kantona Sarajevo putem Ministarstva obrazovanja i nauke zatraži da specificira ko ima pravo na besplatno školovanje u skladu sa Zakonom o dopunskim pravima boraca – branitelja Bosne i Hercegovine („Službene novine Kantona Sarajevo“ broj: 9/07)., te ukoliko Kanton Sarajevo doznači Elektrotehničkom fakultetu u Sarajevu sredstva na ime školarine za ta lica, da će Fakultet tim licima - studentima izvršiti povrat sredstava koja su ranije uplatili na ime školarine, donijeta je odluka kao u dispozitivu.

PREDSJEDNIK  
UPRAVNOG ODBORA FAKULTETA

Acc. dr.sci. Branislava Peruničić



CO:- Dekanu  
- Web stranica Fakulteta  
- Studentskoj službi  
- a-a